

Broj: 01-11-11-01814-4/2024
Sarajevo, 15.5.2024. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), te odredbi Pravilnika o uslovima i načinu korištenja e-aukcije („Službeni glasnik BiH“, broj 80/23), nakon razmatranja Preporuke Komisije za javne nabavke broj 01-11-11-01814-3/2024 od 6.5.2024. godine, Direktor Federalne uprave za inspeksijske poslove, u ime ugovornog organa donosi

ODLUKU

o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj 01-11-11-01814-3/2024 od 6.5.2024. godine, te se ugovor o javnoj nabavci roba gorivo i vjetrobarska stakla motornih vozila Federalne uprave za inspeksijske poslove dodjeljuje ponuđaču „Hifa – Petrol“ d.o.o. Sarajevo, čija ponuda broj JN-1537/24 od 18.4.2024. godine je ocijenjena prihvatljivom.

Član 2.

Ugovor sa ponuđačem iz člana 1. ove odluke će se zaključiti pod slijedećim uslovima:

- ukupna ponuđena cijena sa uračunatim popustom bez PDV-a: 105.000,00 KM;
- ukupna cijena sa PDV-om i uračunatim popustom: 122.850,00 KM;
- na svaku isporuku roba koje su predmet ugovora će se obračunavati ponuđeni popust u visini od 0,074 %. Popust je fiksni, neće se mijenjati iz bilo kojeg razloga i isti će se obračunavati na cijene utvrđene zvaničnim ovjerenim cjenovnikom (obrazac o promjeni cijena i marži u maloprodaji, ovjeren od strane Federalnog ministarstva trgovine);
- rok plaćanja: 30 (trideset) dana od dana prijema fakture za realizovanu isporuku;
- zaključivanje ugovora: ugovor će se zaključiti nakon isteka ugovora za nabavku istih roba zaključenog sa ponuđačem „Hifa-Petrol“ d.o.o. Sarajevo, koji je potpisan od ugovornih strana 25.7.2023. godine (broj protokola ugovornog organa 01-11-11-03314-4/2023 od 21.7.2023. godine i broj protokola „Hifa-Petrol“ d.o.o. Sarajevo 2646/23 od 25.7.2023. godine), odnosno izvršenja predmeta ugovora ukoliko predmet ugovora bude izvršen prije isteka perioda na koji je ugovor zaključen;
- ugovor će se zaključiti na period od 1 (jedne) godine dana od dana obostranog potpisivanja istog.

Član 3.

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Odlukom direktora uprave broj 01-11-11-01814/2024 pokrenut je otvoreni postupak uz primjenu e-aukcije za nabavku roba - gorivo i tečnosti za vjetrobarska stakla za potrebe službenih vozila Federalne uprave za inspeksijske poslove.

Nabavka predmetnih roba je predviđena Planom nabavki Uprave za 2024. godinu, robe redni broj 3., procijenjena vrijednost nabavke je 105.000,00 KM bez PDV-a, a oznaka iz JRJN je 09100000-0.

Dana 2.4.2024. godine izvršeno je objavljivanje obavještenja o nabavci na Portalu javnih nabavki, a 5.4.2024. godine u Službenom glasniku BiH broj 24/24, broj obavještenja 1292-7-3-5-3-5/24.

U terminu utvrđenom obavještenjem o javnoj nabavci i tenderskoj dokumentaciji dana 25.4.2024. godine Komisija za javne nabavke (u daljem tekstu: Komisija) izvršila je javno otvaranje blagovremeno pristiglih ponuda, kojom prilikom je konstatovano da je u roku ostavljenom za dostavljanje ponuda zaprimljena samo jedna ponuda, i to ona koju je dostavio ponuđač „Hifa-Petrol“ d.o.o. Sarajevo. Izvršenim uvidom u dostavljenu ponudu Komisija je utvrdila da je navedeni ponuđač predmetne robe ponudio po ukupnoj cijeni od 105.000,00 KM. Izvršenim obračunom procenta datog popusta Komisija je utvrdila da je ponuđač ponudio popust u ukupnom iznosu od 0,074 %.

Prilikom otvaranja ponuda Komisija je utvrdila da nije bilo neblagovremeno pristiglih ponuda.

Zapisnik sa otvaranja ponuda je odmah putem pošte upućen na adresu ponuđača koji je dostavio ponudu.

Nakon javnog otvaranja ponuda Komisija je izvršila provjeru kompletnosti i ispravnosti ponude, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled obrazaca i drugih dokumenata.

Na osnovu izvršenog neposrednog uvida u ponudu utvrđeno je da je ponuđač dostavio kompletnu dokumentaciju traženu tenderskom dokumentacijom, te da ne postoje razlozi formalnog karaktera za odbacivanje ponude.

Komisija je izvršila provjeru računске ispravnosti ponude, te tom prilikom nije konstatovala računске greške.

Obzirom da je zaprimljena samo jedna ponuda, u skladu sa članom 4. stav (2) Pravilnika o uslovima i načinu korištenja e-aukcije, nisu bili ispunjeni uvjeti za zakazivanje e-aukcije.

Utvrdeno je da je ukupna ponuđena cijena u okviru sredstava obezbjeđenih za predmetnu nabavku, te da ne postoje niti formalni niti suštinski razlozi za odbacivanje ponude, iako je na cijenu ponude od strane ponuđača ponuđen minimalan popust, posebno kada se uzmu o obzir popusti koji su na istu vrstu roba odobravani ugovornom organu u prethodnim budžetskim periodima.

Isto tako, budući da je trenutno na snazi ugovor koji je 2023. godine zaključen sa istim ponuđačem, koji će se primjenjivati do 24.7.2024. godine, odnosno do izvršenja predmeta ugovora (ukoliko ova okolnost nastupi prije vremenskog isteka ugovora), ugovor po ovoj odluci će se zaključiti nakon isteka važećeg ugovora.

U skladu sa svim naprijed navedenim, Komisija je pripremila i direktoru Uprave dostavila preporuku broj 01-11-11-01814-3/2024 od 6.5.2024. godine, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču Hifa – Petrol“ d.o.o. Sarajevo.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



Dostaviti:

1. „Hifa-petrol“ d.o.o. Sarajevo, Hotonj bb, 71320 Vogošća
2. Sektor za materijalno-finansijske poslove
3. Sektor za tehničku podršku i plansko-analitičke poslove
4. Komsija za javne nabavke (a/a).

